



Broj predmeta: 02-000049/20
Broj akta: 01.1-1141SM-414/20
Datum, 3. 11. 2020. godine
Mjesto, Brčko

Na osnovu člana 16. i člana 17. Zakona o Vladi Brčko distrikta Bosne i Hercegovine („Službeni glasnik Brčko distrikta BiH“, broj: 22/18 – prečišćeni tekst, 49/18, 8/19, 10/19 i 32/19) i Odluke o imenovanju Štaba za zaštitu i spašavanje Brčko distrikta BiH, broj predmeta: 02-000049/20, broj akta: 01.11-0566LO-006/20 od 13. 3. 2020. godine, broj akta: 01.11-0566LO-012/20 od 13. 3. 2020. godine i broj akta: 01.11-0566LO-020/20 od 16. 3. 2020. godine, a u skladu s članom 18. tačkom o), članom 19. tačkom a), članovima 35. i 37. stavom (1) Zakona o zaštiti i spašavanju ljudi i materijalnih dobara od prirodnih i drugih nesreća u Brčko distriktu Bosne i Hercegovine („Službeni glasnik Brčko distrikta BiH“, broj: 29/16 i 33/16), Odlukom o proglašenju stanja prirodne nesreće zbog COVID-19 (korona virus), broj predmeta: 43-000096/20, broj akta: 01.1-1141SM-001/20 od 13. 3. 2020. godine, u vezi s Odlukom o proglašenju ugroženosti stanovnika Brčko distrikta BiH od epidemije zarazne bolesti – korona virusa (COVID-19), broj predmeta: 02-000049/20, broj akta: 01.11-0566LO-001/20 od 11. 3. 2020. godine i broj akta: 01.11-0566LO-003/20 od 12. 3. 2020. godine, članovima 5. i 6. Poslovnika o načinu rada i rukovođenju Štabom za zaštitu i spašavanje Brčko distrikta BiH, broj predmeta: 02-000057/20, broj akta: 01.11-0566LO-004/20 od 20. 3. 2020. godine i broj akta: 01.11-1161DS-010/20 od 23. 4. 2020. godine, nakon održane telefonske sjednice Štaba, komandant Štaba, gradonačelnik Brčko distrikta BiH dana 3. 11. 2020. godine i z d a j e

N A R E D B U

Član 1.

Zabranjuju se sva javna okupljanja u zatvorenom prostoru na području Brčko distrikta BiH.

Član 2.

Obavezuju se učesnici svih javnih okupljanja na otvorenom prostoru na području Brčko distrikta BiH da se pridržavaju svih donesenih epidemioloških mjera i preporuka Štaba za zaštitu i spašavanje Brčko distrikta BiH, što uključuje i obavezno nošenje zaštitne maske.

Član 3.

Nalaže se obavezno nošenje zaštitne maske u grupi od dva ili više lica na otvorenom prostoru na području Brčko distrikta BiH.

Član 4.

- (1) Zadužuje se Ured gradonačelnika – Inspektorat da vrši pojačanu kontrolu poštovanja svih donesenih mjera i naredbi Štaba za zaštitu i spašavanje Brčko distrikta BiH, u dijelu koji se odnosi na rad ugostiteljskih objekata na području Brčko distrikta BiH.
- (2) U slučaju nepridržavanja mjera i naredbi Štaba za zaštitu i spašavanje Brčko distrikta BiH, Ured gradonačelnika – Inspektorat će izricati mjere zabrane obavljanja ugostiteljske djelatnosti kontrolisanih privrednih subjekata.

Član 5.

Ova naredba stupa na snagu danom donošenja, a objavit će se u „Službenom glasniku Brčko distrikta BiH“.

DOSTAVITI:

1. Uredu gradonačelnika,
2. Zamjeniku gradonačelnika,
3. Glavnom koordinatoru Vlade Brčko distrikta BiH,
4. Odjeljenju za obrazovanje
5. Svim odjeljenjima Vlade (12x),
6. Kriznom štabu u zdravstvu Brčko distrikta BiH,
7. Uredu gradonačelnika / Inspektorat,
8. Sekretarijatu Vlade (3x),
9. Policiji Brčko distrikta BiH,
10. Članovima Štaba (34x),
11. Ministarstvu sigurnosti BiH – Granična policija BiH,
12. Institucijama Brčko distrikta BiH (8x),
13. Javnim preduzećima, fondovima i Zavodu (7x),
14. „Službenom glasniku Brčko distrikta BiH“,
15. Arhivi.

GRADONAČELNIK

Mr. sc. Siniša Milić